

kintzailetza LEARTIBAI | 2025 | sariak

OINARRIAK

*Lea-Artibai eskualdeko pertsona ekintzaileak
bistaratu eta aitortza ematen.*

Antolatzailea:



Kolaboratzaileak:



Leartibai Fundazioa toki garapenerako erakundea da. Bere helburua Lea-Artibai eskualdearen garapen ekonomikoa sustatzea da eta horretarako eragile publiko eta pribatuak ditu bidelagun.

Enpresa berrien sorrera bere misioaren parte izanik eta Lea-Artibaiko pertsona ekintzaileei errekonozimendua emateko asmoz, Leartibai Sariak 2025 ekimena jarri du martxan.

1.- LEARTIBAI SARIAK 2025 EKIMENAREN HELBURUAK

Pertsona ekintzaileak omentzea, aitortza egitea.

- Ekintzailetza kultura hedatzea.
- Lea-Artibai eskualdean lanpostu berrien sorrera sustatzea.
- Kooperatiba eredua sustatzea.
- Merkataritza sustatzea
- Balio erantsi altuko enpresa berritzaileak sustatzea.
- Emakumeen artean, ekintzailetza sustatzea.
- Ekintzailetza gaztea sustatzea

2.- SARITUKO DIREN KATEGORIAK

Sari ezberdinak banatuko dira, hona hemen sarituko diren kategoria ezberdinak:

1. Kategoria. NEGOZIO-IDEIA BERRITZAILEARI SARIA: 1.500€ eta garaikurra. Leartibai Fundazioaren eskutik.

2. Kategoria. OSTALARITZA/TURISMO/ZERBITZU ENPRESARI SARIA: 1.500€ eta garaikurra. Leartibai Fundazioaren eskutik.

3. Kategoria. MERKATARITZA ESTABLEZIMENDUARI SARIA: 1.500€ eta garaikurra. Leartibai Fundazioaren eskutik.

4. Kategoria. KOOPERATIBA EREDUARI SARIA: 2.000€ eta garaikurra. Kooperatiben Mahaia Elkartearen eskutik

5. Kategoria. EMAKUME EKINTZAILEARI SARIA: 1.500€ eta garaikurra. Leartibai Fundazioaren eskutik.

6. Kategoria. EKINTZAILE GAZTEEK SORTUTAKO ENPRESARI SARIA: 1.500€ eta garaikurra (5 sari emango dira kategoria honetan). Bizkaia Gazteak Lea-Artibai egitasmoaren baitan, Bizkaiko Foru Aldundiaren eta Lea-Artibaiko 12 udalen eskutik

7. Kategoria. LANBIDE HEZIKETAKO IKASLEEN NEGOZIO IDEIARI SARIA: 500€ eta garaikurra (3 sari emango dira kategoria honetan), Bizkaia Gazteak Lea-Artibai egitasmoaren baitan, Bizkaiko Foru Aldundiaren eta Lea-Artibaiko 12 udalen eskutik 2 sari eta Asetten eskutik sari bat.

8. Kategoria. LANDA EREMUKO AUKEREN LURRA SARIA: 1.000€ (2 sari emango dira kategoria honetan). Lea-Artibaiko Landa Garapen Alkarteak aurretik martxan izan duen lehiaketako sariak banatuko dira ekitaldian. Parte-hartzea itxita dago.

Sari ekonomiko eta garaikurraz gain, honakoa eskainiko zaie saridun guztiei Leartibai Fundaziotik:

- Leartibai Fundazioko aholkularien laguntza, negozio-ideiaren garapen eta azelerazioan.
- Lea-Artibai Berrikuntza Gunean dagoen Enpresa Haztegiko espazioetan kokatzeko lehentasuna.
- Leartibai Fundazioak kudeatzen dituen programa ezberdinetan parte hartzeko erraztasuna.

SARE SOZIALETAN BOZKA GEHIEN JASO DUEN NEGOZIOARI Eskualdeko elikagaiez osatutako otzara oparituko zaio. Lea-Artibai Landa Garapen Alkartearen eskutik, Hamen Bertokoa egitasmoaren baitan.

SARE SOZIALETAN BOZKA EMAN DUEN HERRITARRARI Eskualdeko elikagaiez osatutako otzara oparituko zaio. Lea-Artibai Landa Garapen Alkartearen eskutik, Hamen Bertokoa egitasmoaren baitan.

3.- HERRITARRENTZAKO SARIA

Herritarrek ere epaimahaikide izango dira. Leartibai Fundazioak bere Instagramera igoko ditu lehiaketan parte hartzen duten ideia guztiak (7 eta 8 kategoriakoak ezik). Norbanakoek, azaroaren 3tik 12ra bitartean. Lea-Artibai eskualdearen beharretara hobekien egokitzen den ideia “atsegin dut” batekin klikatuz baloratu ahal izango du.

“Atsegin dut” ematen duten pertsona guztien artean, bertoko produktuekin osatutako otzara eder bat zozketatuko da azaroaren 14an. Zozketa horren irabazleari, saria azaroaren 19an emango zaio, sari banaketa ekitaldian.

Saria jasotzera irabazlea edo berak nahi duen beste edozein pertsona joan ahal izango da, Leartibai Fundazioak eta irabazleak adosten dutenean. Leartibai Fundazioari pertsona horrekin kontaktatzea ezinezkoa egiten bazaio, edota sariaren bila ezin bada etorri, bigarren pertsona bati emango zaio aukera, modu berean. Bata zein besteak sariaren bila etortzerik ez badute, banatu gabe geldituko da.

4- PARTE HARTZEKO BALDINTZAK

1-2-3 Kategorietan: 2024 edo 2025ean, Lea-Artibai eskualdean **negozio berri bat** martxan jarri izana (2025/10/31 baino lehen).

4 Kategorian: 2024 edo 2025an, Lea-Artibai eskualdean **kooperatiba eredu** duen **negozio berri bat** martxan jarri izana (2025/10/31 baino lehen).

5 kategorian: **Lea-Artibaitarra, emakumea eta ekintzailea** izatea. Kasu honetan, 2024 edo 2025ean **negozio berri bat** martxan jarri izana (2025/10/31 baino lehen) sarituko da. Bateragarria da beste kategorietako sariekin.

6 Kategorian: **18-35 urte bitarteko Lea-Artibaitarra** izatea eta 2024 edo 2025an **negozio berri bat** martxan jarri izana (2025/10/31 baino lehen).

Kategoria honetan, Lea-Artibaiko herriren baten errolatuta izatea ezinbesteko baldintza izango da: Amoroto, Aulesti, Berriatua, Etxebarria, Gizaburuaga, Ispaster, Lekeitio, Markina-Xemein, Mendexa, Munitibar Arbatzegi Gerrikaitz, Ondarroa, Ziortza-Bolibar.

7 Kategorian: Lea-Artibai eskualdean kokatutako Lanbide Heziketako ikastetxe baten, edozein alorretan, 2025-2026 ikasturtean matrikulatuta dauden ikasleek hartu ahalko dute parte. Taldeka edo banaka aurkezteko aukera izango da.

8 Kategorian parte hartzea itxita dago. Aurretik martxan egon den lehiaketako sariak banatuko dira soilik.

KONTUTAN IZATEKOAK:

Kategoria guztietan, ezinbesteko baldintza izango da enpresa berrien egoitza soziala Lea-Artibaiko 12 udalerrietako baten izatea.

- Leartibai Fundazioak, proiektuak baloratzeko orduan, beharrezko dituen ziurtagiriak eta informazioa eskatu ahal izango ditu.
- Soilik emakume ekintzailearen saria da bateragarria gainontzeko sariekin.
- Aurkeztutako egitasmoen maila baxuegia dela erabakiz gero, sariak ezerezean gera daitezke.

5.- BALORAZIO IRIZPIDEAK

- Tokiko enplegua sortzea: sortutako enplegu kopurua eta hazkunderako potentzialitatea. Pertsona fisiko batek baino gehiagok osatutako enpresen kasuan, bazkideen %50 gutxienez emakumeak izatea positiboki baloratuko da.
- Proiektuaren bideragarritasun ekonomikoa.
- Izaera berritzailea, balio erantsia eskaintzea edo/eta originaltasuna.
- Ekintzaile taldearen gaitasun teknikoa eta esperientzia.
- Negozioa martxan jartzeko egindako inbertsioak, lokala alokatua edo erositakoa bada...
- Jarduera garatzeko teknologia berriak erabiltzea.
- Leartibai Fundazioaren enpresa sorrera zerbitzutik pasa izana.
- Merkatari elkarteko kide izatea.
- Guzti hauek justifikatzeko erabilitako ebidentzia grafikoak.

6.- EPEAK

- Proiektuak aurkezteko azken eguna: **2025/10/31** (1, 2, 3, 4, 5, 6 kategoriak)
- Lanbide Heziketako ideia aurkezteko epea: **2025/11/10** (7 kategoria)
- Herritarren botazioa: 2025/11/03-2025/11/12 (biak barne).

- **Sari banaketa: 2025/11/19 asteazkena**

7.- EPAIMAHAIA

- Leartibai Fundazioko Ekintzailtzako lan-taldea
- Lea-Artibaiko Kooperatiben Mahaia Elkarte.
- Instagram bidez bere botoa ematen duten herritarak.
- Asetteko ordezkariak

8.- AURKEZTU BEHARREKO DOKUMENTAZIOA

- Inskripzio fitxa beteta (Proiektua Leartibai Fundazioarekin landu dutenek ez dute fitxa hori bete beharrik izango).
- 6. kategorian parte hartzen dutenek, Errolda agiria.
- Jarduera Ekonomikoen Gainerako Zergan alta eman izanaren kopia (IAE), Gizarte Segurantzaren alta eman izanaren ziurtagiria eta landutako negozio-plana.
- Ideiaren baloraziorako lagungarri izan daitekeen edozein dokumentu, irudi, ikus-entzunezko aurkezpen edo/eta bideragarritasun plana.

9.- SARI BANAKETA EKITALDIA

Gizaburuagan izango da, Udaletxeko erabilera anitzeko aretoan.

Azaroak 19, arratsaldeko 18:30etan .

Sariak jasotzeko, beharrezkoa izango da sari banaketa ekitaldira bertaratzea. Irabazleak bertaratu ezingo lukeen kasuan, beste pertsona bat bertaratu beharko da bere orde. Sari banaketara bietako inor agertu ezean, sari hori banatu gabe geratuko da.

Saridunarekin kontaktatzea ezinezkoa den kasuetan, hurrengo balorazio onena duen ideia izango da saritua.

10.- INFORMAZIO GEHIAGO ETA INSKRIPZIO ORRIA

Inskripzio orriak beteta email honetara bidali beharko dira bbasterretxea@leartibaifundazioa.eus edo www.leartibaifundazioa.eus webguneko hasierako orrian dagoen google forms bidez bete ahalko dira, kasu bakoitzean beharrezko dokumentuak ere bertan atxikituz.

Edozein kontsulta telefonoz edo WhatsApp bidez erantzungo da, honako zenbaki honetara deituta/idatzita: 94 616 91 72.